

Pɔl saba syāṅ wuhu kaplāṅ
Timuti
 ye

Syaha fla

¹ Ndoo Pɔl kě, ndoo wii Yāhā ra ta Yesu Crise tēnlɛɛ. Yāhā ke bii yě tɛr nawee- ye, koo ga ba cīnde yrā lii wāā pe kě Yesu Crise kāmāy na, ke ra taha, n naa loo nde yar nawee- na. ² N saba nwo yrūhū nɔ wāā mboo Timuti kě, ma ntāṅ dye ra tāy, ma ma ra dya Yesu kānde na. Wo Tuhufua Yāhā tesě wo Yīṅfua Yesu ne, ke ke kayī wāā ma kě tesě ke yrīṅ ne, ke ma fɛn di.

Pɔl laantor le Timuti laam wo

³ N syaha wāā Yāhā kě ma wīi na, Yāhā gii n ma ke tēn na. Kai- nkāy tē cā ke sroṅ, koo tē n pye le Yāhā tēn na mii ra faale wāɛ wāṅ syi dyaṅ. Yalebyɛ ke yai ke yīmper, n ma nii n pāā Yāhā ye, n sě ne faha ma wīi ne ye, n ne ke nar ma kě. ⁴ Too naa n cāāṅ wii na per gii, ma ba yīntām yi. N ma nii loo nde ga, ma laam bya ma ne ra yigi, ta n sya naa n kɛ, n ma yāā yīnde ne, n naa nuhu di. ⁵ Ma nahafuadyaha Loyise tesě ma nahafua Yinisiyi ne, poo mii cāā Yesu sroṅ ta pe Yatɛr ma yaha. N le cā, ma bya Yesu ta ma Yatɛr laantee nen ne pe wāṅ syi dyaṅ. Koo kě, n syaha wāā Yāhā kě ma wīi na.

⁶ Tē ba koho taha ma na, ma naa Yāhā nar ma kě, koo kě, Yāhā n wāyīi wāā ma kě; loo le ma ta, ma n ke tēn wātē fānga yāā. Ma'a syi ma loo wāyīi nde faha ye! ⁷ Ma sē yāā, Yāhā Yrā lii Yāhā le le wo laam wo, le sē wo ta wo n nii fya le cīnde wāpāā ne nawee- yīnde na ye. Le

Timuti saba syāŋ wuhu 1:82Timuti saba syāŋ wuhu 1:16-17

wee koo syi ye. Yāhā Yrā fānga le wo laam wo; le wo ta, nawee- ntāŋ n dye wo tāy, le wo ta, wo n wii wāyigi cā.

⁸ Loo na, ma'a syi ma yee, Yīŋfua Yesu kapāyī wāpāā wī fyar yigi ma kē ye. Tē nwo nwompihi wo Yesu wī na, ma'a n yee, a loo maha fyar yigi ma kē ye. Ma bya, naa mii gbihi wāfāy kur ye ra ne le Yesu kapāyī wāpāā ne. Ma'a syi fya ye, ma koho taha yaha ke fānga na, fānga gii Yāhā ke wāā. ⁹ Yāhā koo kē ke wo sya yaha, ma maha wo yee too nii ke nna; le sē nii mii, wo kayūhū pye koo syi ye, ke ya laam wī ne, ke le pye wo kē laantār tāy. Ke bii loo kayī nde ta yaha wa wo kē Yesu Crise kāmāy na, driyē sē bii tāhā wa ye. ¹⁰ Ke le yar wo na yagaa wo Syayahafua Yesu Crise wāpaŋ ne driyē nge wo. Yesu Crise ta, gbā saha kapee pye wo na nantāŋ ye, tesē cīinde yrā lii wākuayāā wee le na ye, u maha loo yar wo na le Yāhā kapāyī wo.

¹¹ Yāhā ra yāŋ yi ma yee, n naa le kapāyī tōr nawee- ye, n nii Yesu tēnlēhē. Loo ne, ta n nii nawee- klaha le kapāyī kai- ne. ¹² Loo le ra ta, ra n nii wāfāy nge fāy. Le sē fyar yigi ra kē ye. Wii tē ta ra Yatēr, n ufua cā. N maha le cā, le Yāhā kapāyī wūhū nkāy tē klaha nawee- ye, u ga waha yia u naa n sēŋ ke na, u wādurba per n sya ba nō.

¹³ Cīinde kaplāŋ nkāy tē yar ma na, naa koo ya yāŋ ma naa nawee- klaha ke ne. Ma seefar le Yesu ne, koo syi kē Yesu n nii ma Yatēr, nawee- ntāŋ n dye ma tāy, kuee yai tāŋ ke syi! ¹⁴ Kaklaha nkāy tē yar ma na, ke gbihi yigi, ma'a n tyii waa n ke wā klaha ye! Naa loo pye Yāhā Yrā kāmāy na, Yāhā Yrā lii le ma wo laam wo.

Mpāy dur yi Pōl kur ye, mpāy -sē kuee u kur ye

¹⁵ Ma cā Yasyi kuē kāntrahafa byē dur yi kāā ra kur ye, Fisyel dyaŋ Yērmosyēn ye ne. ¹⁶⁻¹⁷ Yōnēsuyifōr woo na, tē nwo ke nwompihi wo, fyar sē u yigi ra wī ne ye. Yāhā ke kaa taha u kahafa na. Tuu ba pa Wōrme wo nwo, u ba ra

Timuti saba syāŋ wuhu 1:183 Timuti saba syāŋ wuhu 2:10

fla kE farfar, ma sya ba ra saha cã, ma naa n pai ra fla na, ma ba naa laanyĩn kaplāŋ pãã ra ye. ¹⁸ Faale wo, tẽ sẽ ba pye wa nwompihi wo ye, ma pye YefEsi wo, tuu naa koho le ra ye mii, ma le cã. Wo Yĩnfua Yesu u ba u fEŋ di Yãhã kasãhã per wo.

2

Wii u Yesu kãnde yigi kluE sī

¹ Ta dya, mboo na, ma cã too seefar le Yesu Crise ne, wo kayĩ yãã. Naa mii plãhã Yesu kãnde wo loo kayĩ nde kãmay na! ² Kaplāŋ nkãy raa luhu ra yE na, tẽ naa nawee-klaha ke ne nawee- yĩnde na, mpãy raa cã pe sron, ma cã pe ga waha nawee klaha ke ne pe ya ndon, pe klaha ke ne!

³ Ma ma mii seraasyiyõ dyaŋ Yesu Crise ye. Wãfãy ma ma dye, naa ma fEŋ lay sya ra wãŋ syi dyaŋ! ⁴ Seraasyi naa wii u n gaha naan miysaha wo, u n kE u wĩ le naa n tã y u yĩnfua ye. Loo na, kai- nkãy ke wee naanmiy wũhũ ye, u saa naa u ya wlãhã ke ne ye. ⁵ Ma maha cã, kaa na pe ma ne yee, nawee- pe pe ya kihi; wii ma yahasee gbe, u ga ngaa yãã. Pe kãnde lii yar pe yakihifa na, wii ma yee u sE n tEŋ ke syi ye, u ma sya yahasee gbe, u saa ngaa yãã ye. ⁶ Tawarfua wii tuu le tEŋgbãy tẽ, te dir ma ba gbe, woo tuu ga cãã u lay yãã. ⁷ Kaplāŋ nkãy tẽ pãã ma ye, ke le yaha ma laam wo, wo Yĩnfua ga ba kacãn wãã ma kE, ma n ke war.

⁸ Ma sE Yesu Crise wĩ yãã la, tuu sya ba ku, u ba yir gbã wo, ma dur ba yrãŋ na gbaafa ye. U faale wãdyaha gaa kE Dawide ne. Le ma Yãhã kapãyĩ wo, Yãhã kapãyĩ lii wĩ tE tõr n yar nawee- na. ⁹ Loo wĩ wãtõr kE, le ra le wãfãy nge wo, ta n sya nwo, pe ra pua yaha nwompihi wo kapepeyfua wãŋ syi dyaŋ. Le Yãhã kapãn loo na, le saha pua yaha ye. ¹⁰ Loo ne, ta n nii wãfãy nge fãy mpãy wĩ na, Yãhã pe yãŋ yi. Pe ma waha sya yaha Yesu Crise kãmay na

Timuti saba syāŋ wuhu 2:11 4Timuti saba syāŋ wuhu 2:19

tesē nayōr rii syi wākuayāā wee te na ye, pe ma maha too byε yāā, ta wāfāy nge saa kai kua ra ye ye.

¹¹ Kaplāŋ ngī tē ga tōr ma ye, cīinde wūhū kē:

«Wo ma sya fāy mii waa gbā yāā,

wo ga ba nii yrāŋ na u ne wii ndoŋ.

¹² Wo ma wii plāhā le Yesu kānde wāyār ne,

waa ba nii fānga na u ne wii ndoŋ.

Wa'a yee wo sē Yesu cā ye,

u bya ga ba yee, woo sē wo cā ye.

¹³ Wa'a sya yee, wo sē n sroŋ Yesu kānde wo ye,

u Yesu woo na, tuu yē tēr wo ye lii ne,

u n sroŋ le ne.

Ye sē yāā, tuu lii pāā,

u saha dur u le sye u ya ye ye.»

Tēntē wii u u yīŋfua laam yīn

¹⁴ Kaplāŋ ngī tē pāā ma ye, ke gbihi yar nawee- byε na. Le pāā waha pe ye Yāhā yīnde na, pe tyii kaplāŋ wātyīn na Yesu kāndeyārfa yawāhā fla wo. Ke n pai wāhā ne, ke ga waha ta Yesu kāndeyārfa mpāy n dur yi le kānde wo. ¹⁵ Mii waha, ma nii tēntē wii syi dyaŋ, u tēn tē n yō Yāhā yīnde na, le sē fyar yigi u kē ye. Naa ke Yāhā kaplāŋ cīinde tōr gbεgbε nawee- ye! ¹⁶ Kaplāŋ nkāy yīŋ wee ke na ye, ke sē maha sroŋ Yesu kānde ne ye, ma'a n naa yē le ke wo ye! Mpāy pe koo pāā, loo nde pe troho dur yi n kāā le Yāhā kānde wo. ¹⁷ Pe yē kaplāŋ ma mii nahapihi dyaŋ nawee troho na, nahapihi gii syi ke ga ke troho byε pye klaha- tāŋ ufua kē. Mpāy pe koo kaklaha ngī syi klaha, Yiminee ma pe ne, Filēti ne: ¹⁸ Pe le pāā ma yee, a wii Yesu kāndeyārfa, wo yir wa gbā wo, ma dur ba wa gbaafa ye yrāŋ na. Loo nde na, pe le cīinde fla miy yaha, ma maha nawee- mpāy ta pe n yi n kāā le Yesu kānde wo. ¹⁹ Cīinde wūhū nkāy ke ma yīŋ Yesu kāndeyārfa ye, koo nkāy Yāhā ke pāā ta yaha, ke

wee wāyεΗε wūhū ye. Koo kaplāṅ kē ngī: «Mpāy pe ma Yāhā wām, Yāhā pe cā.» Ma suhu «Wii ma yee Yesu ma woo Yīṅfua, ufua yai u dur yi kapee kur ye.»

²⁰ Nangbāṅ kaha wo, didiwān kur byε sē kē te fāā sān ne tesē wargbε ne ye. Taa ma, te fāā poor ne, taa -sē ma, katiyigi pe ta. Te sān wān tesē te wargbε wān ne, pe roo gbe n yi cīinde wūhū ma ga pye. Te poor wān tesē te katiyigi wān ne, pe roo gbe n yi plii byε, te n maha n wluhu. ²¹ Kapee- nkāy tē tōr yar ma na, wii ma yee u sē ke syi pye ye, u ga nii mi didikla gii dyaṅ, pe ke gbe n yi cīinde wūhū ma ga pye. Wii ma nii koo syi, u sroṅ ma u Yīṅfua myaha na. U ga waha laa yō u Yīṅfua kē, u gbihi ta kayūhū wāpyeṅ na.

²² Taa ma naanfuē, naanfāndi wūhū nkāy ke sē yō ye, ke yāā ma ke ta yaha. Naa ma wāsroṅ wī loo kε, naa Yesu ta ma Yatεr yalebyε, tyii ma nampyeṅ- ntāṅ n naa n dye ma tāy yalebyε! Mpāy laam pe ma gbεgbε, ma Yīṅfua Yesu ta pe Yatεr pe kānkai- byε wo, nii yīmbui nen na poo ne! ²³ Kaplāṅ wātyīn nkāy ke sē kaa taha nawee kacān na ye, ke yāā ma ke ta yaha! Ke syi n pai wāhā ne. ²⁴ Ma cā, wii u Yīṅfua Yesu tēn tē, u sē yai u naa n wāā ye. U yai u naa laantār kaplāṅ pāā nawee- byε ye. U yai u waha naa nawee- klaha Yāhā kaplāṅ wūhū ne, u yai u pye laanyīnfua. ²⁵ Mpāy pe u yē kai, u yai u waha pe gbihi naa n yar kaplāntāhā ne: Laa na, Yāhā ga ba pe ta pe n le sya pe cā pe yē kaplāṅ sē yō ye, pe ke miy yaha. Loo na, pe ga waha cīinde kaklaha cā. ²⁶ Loo na, pe ga maha waha pe faale laantor kacān yāā, pe waha fεr sya sāndāpee yīṅfua Setane namihi wo, Setane wii u pe yigi kawar kaklaha nkāy ne ma pe ta pe n nii u laam wī pye.

3

DriyĔ kuayale wo, nawee- kapee- ga ba gboho tĒr

¹ Ma laam too nde na: *DriyĔ* kuayale cāã ga ba pee naa n gaha. ² Nawee- ga ba naa pe ya yīṅ ya kĒ. Wale wīī ga ba gboho tĒr nawee- laam wo. Pe ya wāsey wīī ga ba naa n tāy pe ye. Yataṅ ga ba gboho pe na. Pe ga ba yīnde le Yāhā wo. Pe saa ba naa n luhu pe seefa ye ye, pe sya naa n wāã pe ne. Mboo wii ma kayīī pye pe kĒ, pe ga ma dāã kapee ne. Pe saa ba naa Yāhā wīī yāṅ cīinde ye. ³ Nawee dugu saa ba pye pe na ye. Wāhā ma pe le nawee ne, pe saa sya pe wāã le yāã u ne ye. Pe ga ba nii nagblahafa. Pe saa ba naa pe ya wāyigi cā ye. Pe ga ba naa fānga yar nawee- na. Kayīī wāpyeṅ saa ba naa n tāy pe ye ye. ⁴ Pe ga ba yār naa n yaha pe nampyeṅ- na. YĔkuān wīī ga ba naa n tāy pe ye. Yataṅ ga ba tĒr pe koho ne. Pe ya laam wūhū ga ba naa n tāy pe ye Yāhā wīī na. ⁵ Pe ga ba le ka naa n pāã yĔ ya ne, poo ma Yesu ne, pe laam wo pe -sĔ u fānga wīī sye, u ma n pe troho wātāhā ter wāklaha pe kĒ ye. Ma'a n naa mii le pe kānde wo ye!

⁶ Poo mpāy gĒ ga ba naa n tay kaklĒ wo, pe naa ca mpāy wlaṅ pe kawar kaklaha ne, ca mpāy syi pe wākaryaha sĔ n sye ye; poo ca mii cā pe pe ya le gboho tĒr kapee- wo, pe laam wūhū ma maha gboho. ⁷ Pe n kĒ pe naa pe klaha, pe sĔ -sĔ n kĒ pe cīinde cā ye. ⁸ Poo nawee- mii ga ba naa pe syi ca wlaṅ. Kawar wūhū ya ke ma pe laam wo, pe ga ba naa kawar fua, poo Yesu ta pe YatĒr. Pe kawar kaklahafa mii, pe ga ba yee, poo ga yĒr tā le cīinde na mii faale dyaṅ Syipte caifa YanĒse tesĔ YamrĒse ne pe bii yee, poo ga yĒr tā Musa cīinde wūhū na mii. ⁹ U YanĒse tesĔ u YamrĒse ne, pe sĔ waha bii yia ye, nawee- n bii cā dawarfa me pe ne. Pe kawar kaklahafa mii, pe bya wīī ga ba nii koo syi, te kawar saa ba ka yahasee ye pe ye ye.

Timuti saba syāŋ wuhu 3:10 7 Timuti saba syāŋ wuhu 4:1

*P*ol Timuti yar kai- ne

¹⁰ Ma -sē yee mboo na, ma ra kaklaha sya, ma ra troho wātāhā ter gbe. Lii tē n kē driyē wo, ma bya le cā. Tē Yesu ta ra Yatēr mii, ma bya u ta ma Yatēr koo syi. Tē ra laam yīn mii, ma bya ma laam yīn koo syi. Nawee- ntāŋ pe n dye ra tāy mii, pe naa n dye ma bya tāy koo syi. ¹¹ Tē ta laam plāhā le Yesu kānde wāyār wo mii, ma le cā. Pe naa ra nuhu le Yesu kapāyī wī na mii, ma le cā. Tē naa wāfāy gii byē sya, ma ke cā. Wāfāy gii ter sē maha kuee mii pe sē ra fāy ke ne Yātōsyi wo ye, Yikō ne, Liiser ne? U Yīnfua -sē ra yīŋ wloho naa n yi koo byē wo. ¹² Ma cā mpāy byē pe yee, poo ga seefar le Yesu ne, pe naa pe troho tāhā Yāhā yor wo, pe ga ba naa pe byē nuhu loo nde wī na. ¹³ Nawee- mpāy pe pee ma yee, poo ga naa nawee- wlaŋ kawar kaklaha ne, kaa ga ba taha naa n gaha pe pyer wāpee na; pe ga ba yee poo ga nawee- wlaŋ le kāmpee lii wo, poo gē me pe ga ba too dye le wo.

¹⁴ Mboo na, taa ma klahafa cā, kai- nkāy pe ma klaha, ma cā cīinde wūhū kē. Mii plāhā, ma kuee ke wo! ¹⁵ Ma kicar cāā gē na, ma ba Yāhā sabangbāŋ kaplāŋ cā. Koo kaplāŋ ngī ga waha kacān wāā ma kē, ma n Yesu Crise ta ma Yatēr ma ba sya yaha. ¹⁶ Kaplāŋ nkāy ke ma Yāhā sabangbāŋ wo, Yāhā kē ke koo ngī byē le nawee- mpāy laam wo, pe n -sē ke yrūhū yaha. Ke yō, ke ga waha nawee klaha Yāhā wūhū ne; ke ga waha nawee kapee- yar u na, u n cā ke sē yō ye. Ke ga waha nawee klaha, u n kāmpee miy yaha, u kānyī gbe. Ke ga waha nawee klaha, u n naa n sroŋ. ¹⁷ Nawee wii u Yāhā kānde yār ke syi, Yāhā kaplāŋ ga u ta u n nii naweeyō, kayūhū wāpye wī ya n nii u laam wūhū.

4

¹ N ma nar, Yāhā yāŋ tesē Yesu Crise ne, Yesu Crise wii

Timuti saba syāŋ wuhu 4:2 8 Timuti saba syāŋ wuhu 4:10

u n pai yrāŋfa sāhā ma suhu mpāy ne pe ku wa, woo wii u n pai dur ba kāntrahafa ye u yīnfar ne, ² Yāhā kapān pāā naa n yigi nawee- ye yalebye! Le wāluhu laam ma pye pe na woo, le wāluhu laam ma maha yee le wee pe na ye woo, naa le pāā pe ye! Pe gbihi naa n yar le ne! Wii ma kapee pye, u yar u n le sya u cā, le sē yō ye. Wii ma kapee pye, u sē yeŋ le na ye, ma le kuān u ye, -taa fāŋga le ufua wo. Ma laam yaha koo ngī bye na, ma naa pe klaha laanyīn ne!

³ Ma sē yāā, yalaa wo, Yesu cīnde kaklaha wāluhu saa ba naa n tāy nawee- ye ye. Lii le n tāy pe ye, loo ya pe ga ba naa n pye. Pe ga ba pe laam kaklahafa gē yāŋ yi busāā, pe pe ta pe ya tāy, pe n naa pe laam wūhū tōŋ pe ye, pe n naa n luhu. ⁴ Pe saa ba naa Yesu cīnde kaklaha luhu ye, pe ga ba ke sye pe naa ngbāy ya luhu. ⁵ Mboo na, mii wāyigi cā kai- bye wo, naa mii waha wāfāy wo! Ma tēn ne Yesu kapāyī wāpāā ne nawee- ye, le tē naa n yō! Tēŋ nkāy bye pe le soho ma koho wo, naa ke bye tē!

⁶ Ndoo na, n le sya ma ga nii yrā le soho Yāhā koho wo. Le yale gē nō wa tē ga ku. ⁷ Driyē nge wo, n le sya ma naa nii srā kayī wī na. N fā fā fā, yagaa woo n nō ra fee yeŋsaha na. Yesu kē tē ta ra Yatēŋ ma sya ba waa yagaa na. ⁸ Yagaa tē waha yia, n cā n ga dāān yāā: Too dāān nde, kayīngbāy ne, kayīngbāy lii, wii ma n sroŋ u ga le yāā. Yīŋfua wii u ma kasāhāfua, woo wii u sroŋ, u ga le wāā ra kē kasāhā per wo. Ndoo ya sē kē tē ga loo kayīngbāy yāā ye, mpāy bye pe u Yīŋfua wādurbanj sēŋ nuhu ne, pe bya n pai le yāā.

Yesu kāndeyārfa mpāy wī

⁹ Mii waha, ma ba yi ra na, ma'a n nii kuee ye! ¹⁰ Ma sē yāā, DeMasu tuu yi kāā ra kur ye, driyē nge wūhū tāy n tēŋ u ye, koo kē. U ka Tesaloni na. Karsā ye poo na, Tyite ne, poo ma ra kur ye. Karsā ka Galasyi na, Tyite

Timuti saba syāŋ wuhu 4:11 9Timuti saba syāŋ wuhu 4:22

-sē ka Dalamasyi na. ¹¹ Luke ya u kuee ra ne. Ma'a n pai, ma MarekE yigi ba, u n ba naa ra koho soho tēŋ ne. ¹² N Tesyihi lEhE YefEsi wo. ¹³ Ta nayrengbāŋ gii ke ma Karpasu fla na Toosa wo, ma'a n pai, ma ke gbe naa n pai ra kē, te sabar bya ne. Ma'a n faha te srE wān yaha ye, tii tē kaplāŋ yrūhū yaha te na, ma re kur ta yaha.

¹⁴ Ntyasāā naa Lesyāānder kapeengbāy pye ra na. Tuu lii pye, u Yīŋfua ga ba loo dāān wāā u kē. ¹⁵ Ma bya, naa mii yigi u ne; ma sē yāā, Yāhā kaplāŋ nkāy byE too pāā, u naa n kE woo ga yEr tā ke byE na fānga waha na.

¹⁶ Ta kasāhā na, tē fe yir per gii ma naa ra yīŋ kE, waa gE sē pye ra ne ke fla na ye; pe byE ba ra miy yaha. Yāhā ma syi ke loo ta kapee pe yīŋ na ye. ¹⁷ U Yīŋfua -sē pye ra tāy, ma ra laam plāhā, ta n waha le Yesu kapāyī pāā mpāy byE ye pe wee Yiifee- ye, pe n le luhu. Yīŋfua n maha ra yīŋ wloho yi jar koho wo, kapee sē ra yāā ye. ¹⁸ U Yīŋfua ga ra yīŋ wloho yi kapee- ter byE wo, u ga ra ta, ra n dye u Yai wo yāhāyīŋ na. Woo myaha ya ke naa n sey yalebyE, wāyEryāā ma n pye le na ye. AmEn, le nii ke syi.

Ke kaplāŋ kuasaha, syaha ne

¹⁹ Persyile syar ra kē, Yakila ne, ma suhu YōnEsiyfōr kahafa byE ne. ²⁰ Yerasyi kuee Kōrnti wo. Toofī sē pye wāwee ye, ta n u ta yaha MelEti wo.

²¹ Mii waha, ma cāā pa te wErngbān cāā yaha. Yeblusi, Pudānsyi ne, Linusu ne, Kladya ne ma suhu pe Yesu kāndeyārfa byE ne, pe ma syar. ²² Yāhā ke ta, u Yīŋfua n pye ma kur ye. Yāhā ke ke laantār yar ye na.

YĀHĀ NAAMBIYĀRFĀN SABA

Karaboro, Eastern: YĀHĀ NAAMBIYĀRFĀN SABA New Testament
copyright © 1993 Wycliffe Bible Translators, Inc.

Language: Eastern Karaboro

Contributor: WBT Central Zone

All rights reserved.

2020-11-17

PDF generated using Haiola and XeLaTeX on 14 Jun 2022 from source files dated 13 Jun
2022

15120496-00e2-503a-8d40-2d7cfdc1ba5b